

鼇

峰

集

鰲峰集卷之九

閩郡徐燭興公著

五言聲詩

咏美人晝眠

閨闈東風困簾櫳春日長
簾紋承碧袖帳影隱紅粧
錦衾纏翡翠角枕壓鴛鴦
汗漬潛銷粉花歛漸褪香
支頤斜珥飾含眼怯窓光
夫君忍驚覺低語入蘭房

咏薰爐

良夜珊瑚枕東風玳瑁牀時薰合歡處長伴溫
柔鄉氣助冰肌煖馨送玉魂香曉來體芬馥何
殊萱蔻湯

咏照鏡

臨妝施廣黛春筍畫雙蛾菱花雜玄錫芙蓉映
碧波釵梁金縷鳳髻影浮盤螺淡掃翻增媚歛
笑玉顏酡

春郊見美人

羅裙耀曉日繡屨履春苔祇緣看花出不爲采

桑來盈盈呈王麗質步步起香埃相逢非是夢猶
勝會陽臺

咏席

佳人湘簾影輕縷纖纖紋象牀同褥穩鴛被伴
香薰閒眠窺夜月徐卷動朝雲界將雙角枕一
半與郎分

怨情

榆塞秋衣薄蘭房夜思長心縷縫綳綺愁緒織
流黃璫砌喧蟲語珠幔度螢光登牀見枕被相

逐愧鴛鴦

賦得閨中微雨

微雨閨紛揚花落減紅香細洒舞衫濕輕霑妝
閣涼眉端助蛾翠髻上益鴉黃巫巫峰渺無極莫
認遇襄王

咏玉連環

瑩同星向夕圓似月逢秋意密堅難解腸迴轉
不休佩來疑兩釧持處訝雙鈎贈君應有意連
理故情留

八月十四夜同陳惟泰陳伯孺謝伯元集

陳女大園亭咏月

東海清光逼娥影報中秋羿姬鏡乍破吳剛斧
未修彩逐金輪轉輝緣玉杵留團圓如扇蒲皎
潔似茲收金粟香先落丹桂魄初流相對歡茲
夕愁殺隴山頭

香奩四咏爲沈從先賦

冬閨送別

情深俄惜別門外朔風酸鴈勒驟傷遠鴛被預

愁寒蚌蛛凝曉底蛾黛結眉端欲代瑤華贈霜
霰蒲郎鞍

秋葉傳情

金氣蕭庭樹寒葉乍辭柯但書閨闔恨不逐御
溝波題時語不盡寄後意翻多妾顏應共槁郎
心當奈何

雨中憶遠

濯枝鳴夜雨蕭瑟入簾飛暗染啼痕袖輕沾香
汗衣添恨嗔簷溜照夢怯燈輝濃雲空鬱結留

滯遠人歸

月下喜歸

別久望彌極
兔魄正團圓
應憐三五夕
偏得照雙歡
帷薄光先鑒
簾疎影共看
思郎曾有夢
今夜始能安

賦得金步搖送陸姬

動因妝墜馬
顛爲學邯鄲
寶光分彩勝
瑤英助合權
行來枝舉易
卸却響聽難
目斷凌波遠
高髻幾時看

閨人曲

含羞暗離別夫婿夢中留鏡臺朝拂懶角枕夜
支愁綺疏心緒結銀燭淚珠流望郎歸未得紅
雨滿西樓

咏梅

早春呈物候春思靜相宜御霜凝弱幹映雪綴
繁枝倚粧香縹緲含態影參差孤榮與芳意不
爲歲寒移

咏美人看畫

丹青圖玉貌粉黛映釵梁兩邊嬌態度一處鬪
容光真偽應難辨妖冶共非常惟有調巧笑勝
却畫中粧

新月

桂殿藉殘陽寒閨射冷光圓鏡分公主團扇破
班娘上天才有暈照地未疑霜舉頭望娥影黃
昏半面粧

題景姬畫像

丹青摹麗質國色奪來嘉目觀如對鏡歡見似

看花修睂勻曉月暈臉映朝霞玉手持如意笑
殺抱琵琶

咏鶴翎扇

合歡縫鍛羽近翫轉氈氈霜翻圓裁月雪翅冷
搖風揮疑棄子晉動似舞羊公不羨齊紈潔指
顧出隆中

題美人衣帶日以緩圖

貌爲思君損芳襟日漸寬空懷牢不解徒盟結
合歡妖姿羞霧縠麗色怯冰紉含愁看縠積闌

思怨秋闌

七夕董叔允社集隣霄臺分得七襄錦

七襄工夜織雲錦匹初成光分彩虹爛鮮奪紫
霞明意逐龍梭密淚逢鳳縑盈黃姑相見遞持
贈倍含情

鰲峰集卷之九終

鰲峰集卷之十

閩郡徐勣興公著

五言律詩

出塞曲

庚寅

橫戈初出塞虜犯白登
賊曉戰風驅鼓宵征月
射營胡塵凋馬影邊角
雜鴻聲爲報將軍道麟
臺已勒名

交戰陰山北將軍李元車
鳴金喧寒月吹角起
胡沙深壘雲爲陣關河
雪作花直須窮虜穴壯

士莫言家

軍中催戰鼓心膽落胡兒關月傳刀斗邊風捲
羽旗沙飛陣不見霜滑馬難支報國艱危盡燕
然看勒碑

斬得樓蘭首三軍奏凱還戰魂爭度隴枯骨亂
成山歲月麾頭落烽烟戍壘間十年遼海上損
盡壯夫顏

銅雀妓

日暮悲風起荒臺掩淚登粧成空自好歌罷恨

難勝總帳成塵土
漳河感廢圓
至日時人不見何
忍望西陵

送人臨邊

征馬嘶長路西山日欲斜
送君臨絕域萬里盡
風沙朔氣摧秋草胡霜慘
暮笳懸知榆塞上定
憶故園花

送友人北游

江亭日已暮分手淚沾裾
足馬從茲去前途萬
里餘寒蛩孤客夢歸雁
故人書
晝夜看明月清

光空敞廬

送人之三巴

送爾過巴蜀征途正渺漫
野猿聽不盡石棧度應難
惡浪浮三峽愁雲暗七盤
此鄉多瘴癘行矣好加餐

東山晚歸

芳草翳危石還山憑杖藜
前村暮春急隔嶺春雲低
夾路花與竹野禽飛復啼
燈光出遠浦處處將雞棲

同林熙吉林熙工鄧汝高王玉生懌和九
集錦谿竹林

選勝共班荆重林暑氣清短橋通樹色叢竹隱
溪聲日落鳥雙下風高蟬亂鳴悠然歸路晚正
值暮潮平

聞鄭生自秦入洛遙寄

念爾遠爲客風霜凋壯顏三秋仍九夏萬水與
千山馬度洛陽苑雞鳴函谷關如何離別久猶
不顧月環

送劉季德歸南海

辛卯

相逢苦不早相送復沾衣
愁見孤帆影遙從五嶺歸
青看海氣近白望瘴烟微
家在羅浮下秋風獨掩扉

秋日同陳汝翔陳伯孺惟和兄集陳汝大
于山草堂

蔣生三徑荒今日過求羊
一榻蘿陰合滿階梧葉涼
晚楓當戶赤殘菊映衣黃
客散柴門寂鳥聲喧夕陽

登圓峰閣

衆峰環古閣遠在碧雲端枯木澹秋色怪禽啼
暮寒平沙晴漠漠流水夕漫漫漸覺塵蹤滅孤
鐘聲欲殘

宿江邊店有懷伯孺

荒村碧水邊雲樹遠連天網晒寒蘆外船行晚
漲前猿啼千嶂月雁破一江烟田園不能見羈
棲殊可憐

舟中望古寺

空江潮夕照，樵唱返前林。
雁影天邊盡，漁村烟外深。
山高宿暮靄，樹密生秋陰。
漸與雙林近，杳然鐘磬音。

送鄭四之燕

秋風生暮寒，遊子發征鞍。
盡此一杯酒，寧辭行路難。
胡沙當面起，隴月向人殘。
易水悲歌日，應懷太子丹。

東溪橋晚坐

石橋行客少，流水自潺湲。
松鼠驚寒出，林鴉當

暮還潭光翻古寺月影冷秋山坐久塵緣息鐘
聲杳靄間

鼓山歸宿陳振狂蘆中磯

朝辭芳嶺峰暮訪故人踪坐久雲生竹更深月
滿松江流青萬頃磯石翠千重夜夢頻驚覺猶
聞山寺鐘

山中破寺

山中隱破寺徑路險難登像設生寒草禪房掩
亂藤上方來有客下界住無僧向夕荒涼甚空

堂暗佛燈

寄鄭琰

久客住邊城時聞隴水聲朔風沙漠道夜月海
西營易悲燧何曾滅哀笳不斷鳴期君破虜莫
起故園情

送人游荆門

征途草正秋何事入荊州相顧不忍別馬嘶殊
未休雲深屈子宅月滿仲宣樓想過夷陵道悲
風動客愁

賦得寒雲孤雁送兄北上

飲啄棲蘆渚悲鳴別舊群
高風搏羽翮天路正
秋分淮水三更月燕山一片雲
上林如有信繫足好相聞

朔雁滿寒汀嗷嗷相向鳴
忽分南北翼不盡弟兄情
客路霜前影關山月下聲
春風霽漢上應識羽毛輕

題潮上人房

支公耽寂靜跌坐動經年
相見無言說觀空心

澹然空閒孤嶂月簷掛百重泉余亦冥心者因
師一問禪

送僧還匡廬

遊方三十載今日欲西還一去一以遠千山兼
萬山衲衣雲影外鐘磬水聲間五老峰頭月參
禪獨閉關

逢滇南寶上人

遠別滇南路來遊海上峰沈沈臨絕澗挂衲出
深松一錫追飛鳥二車制毒龍間雲孤鶴跡何

處更相逢

別惟和兄

壬辰

昨日離慈母今朝別阿兄
江干一分手血淚幾
行傾春草池塘夢秋風鴻雁情
潮平催解纜腸斷棹歌聲

溪行

行役苦風塵溪頭日問津
灘聲宵攪夢暑氣午蒸人
故園千山隔倉身一劍親
迴思三徑竹涕淚清衣巾

晚次順昌縣

石瀨響潺湲停橈傍水灣
鄉村饒白酒市郭半
青山古塔烟雲外孤城艸
莽間客心當此夜難
逐逝波還

雙峰驛

暮色滿汀洲鳴蟬樹樹秋
柝聲聞雉堞燈影辨
漁舟千澗通橋路雙峰夾
驛樓流波與客意日
夜兩悠悠

客中初度

客舍涼風起，翻驚秋色新。
天涯初度日，遠道未歸人。
流落三千里，蹉跎二十春。
誰云弧矢志，此際不傷神。

早行憶弟

際曉出松關，行行度萬山。
晨鐘了殘夢，秋色愴離顏。
雞鳴荒村裏，人行亂木間。
溪流與客淚，日夜落潺湲。

秋聲來遶樹，蕭瑟不堪聞。
畫角吹殘月，藍輿破曉雲。
寒流經雨漲，古路遇溝分。
不盡相思意，中

天數雁群

隱屏精舍贈朔方虛道人

一室棲真處蕭疎竹萬竿梯應懸漢表人已躡
雲端白石朝朝煮丹書夜夜看山高信清冷不
比朔方寒

旅宿三衢

去家逾一月才得到三衢別恨寄流水愁心懷
故都猿聲秋哭樹雁影夜歸廬莫謂家音少逢
人識面無

姑蔑旅情

秋風姑蔑道夜月客游情千里思兒女中宵夢
弟兄片帆臨水驛遠樹隔江城自愧長貧賤逢
人諱姓名

澱溪夜泊

風色晚颼颼長年暫繫舟霞光分野火樹影倒
溪流月隱諸峯暮霜飛萬壑秋隔林長笛響偏
動旅人愁

訪錢功父

避俗卧林阿門閒少客過空階飄露葉孤館匝
雲蘿築地花爲障開尊鳥當歌臨池飛妙墨籠
得右軍鵞

贈林琴士

老翁何所求甲子巳云周縱酒在應甚彈琴德
最優閒身餘白髮人世卽丹丘緩步頻扶杖年
來欲刻鳩

游吳門雙塔寺訪邢星甫

梵宇都城裏招尋不憚勞古臺裝七寶上界卓

雙毫烟磬凌空響風旛拂殿高讀書有奇士佛
火借焚膏

金昌門逢游宗謙

故園曾有約此地信逢君暫得一攜手那堪復
離群吳閶川路遠荆楚客程分蘭棹乘潮發歌
聲子夜聞

過朗公寶函樓

支公長遁跡習靜對珠林孤磬和松籟高樓受
竹陰燈光元幻火月色是禪心閬叔無人到惟

容玄度尋

跣趺纓貝葉客至至罷鳴鐘旛影秋風動禪關暮
靄封身心悟西竺二衣鉢得南宗孤鶴閒雲跡何
年得再逢

游吳山紫陽洞同許靈長胡御長

爲訪紫陽君鐘聲隔竹聞重巖全闕日古洞半
藏雲橋斷人難度苔深路不分怡然轉松經月
影白紛紛

再渡錢塘

出門方九夏歸路已三秋涼月照鄉夢寒風吹
客舟驛樓臨水岸塔院近江流不盡家山念相
如故倦遊

憶兒陸

流落他鄉外愁心憶少兒覓梨當此日行酒是
何時父客多能識人情畧已知徐卿雖有子不
是石麟奇

九日客建溪

異方逢令節遊子始言回無復登山興徒深陟

結哀舟從青岸去人豈白衣來故苑東籬下黃
花開未開

虛上人影堂

癸巳

法祖久圓寂蕭蕭空影堂衆生誰問偈徒弟尚
焚香金骨葬新土珠龕闢舊房山間寥寂甚馴
虎坐空廊

東郊晚行

遠岫含殘照輕雷殷殷來雲光澹青草雨氣熟
黃梅路窄衣鉤蔓山深屐印苔遙聞鐘磬殊知

是近香臺

宿鼓山寺方丈

青山別幾年此夜宿諸天花暗經臺下雲生佛
座前野猿啼落月孤鳥度寒烟頓覺禪心寂浮
生空惘然

鳳尾亭遠眺

靈境梯千級梅林樹一雙雲生丹鳳沼潮滿白
龍江流水聲如闕前山勢似降樵歌返林杪斷
續自成腔

送僧歸日本

真僧何所去遙指扶桑東
浣衲春潮白洗瓢朝旭紅
飄零隨貝客掛搭借鯨宮
海水明如鏡可將禪定同

震旦從今別歸心逐逝波
真僧殊域少慧日故鄉多
錫杖携雲水袈裟搭海艚
蛟龍遙睥睨浪裏念彌陀

寶筏去冥冥風波不暫停
心先到賜谷夢只在滄溟
梵唄夷王識經聲水族聽
朝曦猶未起但

望啟明星

故國滄溟遠鄉心島嶼孤
緇衣晞若木白足踏寒蘆
妖蜃嘯香火驪龍覲念珠
朝朝禪誦處初日照跏趺

病僧

伏枕耽禪寂講壇應久虛
香錢還藥債貝葉換方書
苦惱嗟藤鼠呻吟罷木魚
衆生來問訊面目不如初

送人之邊

天涯秋氣深
行子別家林
客淚月中箇
邊愁馬
上礮風沙連朔漠
輦鼓散窮陰
後夜相思處
空聞胡雁音

樹下禪僧

安禪當古樹
借此證菩提
有法山魃避
無言野
鹿欺
燃香燒敗葉
擊磬拾枯枝
坐久心應寂
風霜也不移

禪龕應久別
樹下日踟躕
跌荒蘚
生虛鉢
低枝掛
念珠
年將松共老
坐豈木同枯
得食林間施
應

多烏雀呼

過鄭吏部墓

昔賢寧復起大雅久無聞黃土空銷骨青山不
葬文精靈沉夜月吟咏冷秋雲詞客應相識詩
成墓所焚

風流山吏部白骨闕泉扃異代思相見千年不
肯醒松楸護靈氣川岳暗文星墓隧無人治遺
篇又殺青

贈史州守

刺史緋魚佩兒童竹馬迎青山來卧閣滄海繞
州城賦與雲俱薄心應水共清東南方借寇優
詔下承明

才應似龔遂清已比胡威覽勝驅丹轂行春到
翠微衙隨鶯語語放吏拾鶴翎歸三載循良績聲
華滿帝畿

晚泊七里灘

泊舟七里瀨舊是子陵居極浦落秋雁遠燈歸
夜漁寒雲生荻岸明日照桐廬烟水茫茫綠懷

賢思有餘

旅次桐江上灘聲日夜流
高人不可見山水自清幽
烟月迷村舍星河落釣舟
千年遺廟在香火祀羊裘

山中古廟

何代留祠廟年深路盡迷
碑殘那有篆像剝半無泥
魑魅窺人出狐狸抱子棲
香燈銷歇久壇級草萋萋

秋夜山中

山中秋欲老兀坐夜漫漫
苔窗陰冷松深燭影寒
斷蛩吟月碎孤雁叫雲殘
一炷名香盡丹書不耐看

哭林遜膚業師

甲午

父客日凋零門生失典刑
九原歸一旦八十過三齡
歲月誰能駐泉臺定不醒
侯已徒有淚濕盡太玄經

死去黃泉遠生來白屋貧
人間孤憤客地下苦吟身
猿語悲殘夜鵲聲咽莫春
山丘零落後淒

絕舊門人

遊通谷洞因尋宋潘昉探花墓

石馬卧斜矐松聲咽水漬危橋斜度月遂谷暗
藏雲骨自何年朽名猶異代聞豐碑頽折盡留
得掘餘墳

仙宗廢寺

雲際前朝寺淒涼不可尋僧應少來往佛亦有
消沉大地黃金散空廊碧草侵惟餘堂上磬還
似昔年音

送林叔度之甬東

春深柳可攀送客出鄉關不洒故人淚恐傷游子顏潮聲兩浙水雲影四明山莫謂風塵隔相思魂夢間

題惟揚弟法雲寺書館

禪宮堪習靜一徑暮雲封蠹簡收龍藏雞窓借鷺峰燈分三昧火吟答數聲鐘坐到忘言處月光生古松

業以三冬足鐘多五夜聞惜陰貪佛日鑿壁破

慈雲寺讀準蓮花漏功參貝葉文階前苾芻草一
半是香芸

湧泉廢寺

古寺灰殘久猶存昔日名空壇松鼠跡森木竹
雞聲釋子棲荒廡農人耨化城苔花春雨後漸
向佛頭生

送趙用拙之皖城浮山寺

送君皖城去不向皖城中客夢潛山月禪心浮
渡風簾持釋子戒家托梵王宮甘露超群品蓬

人但說空

定水禪心靜閒雲世諦輕相逢如有意過去豈
關情滄海茫茫遠人天處處行無期是此別留
得贈詩名

贈道士王太和

黃冠製竹皮丹室翳茅茨真已有真訣不言人
不知乃圭除六賊神水滅三尸再拜求傳火非
傳子午時

送薛君佐遊西湖

何處托游蹤西湖路幾重
攜將雙短屐踏遍兩高峰
挾妓邀樓月尋僧認寺鐘
憑君如寄遠秋水玉芙蓉

送吳邦臺之嶺南

征馬四蹄急蠻天向粵州
送君今日去憶我少年遊
露冷鮫人泣春深罔象愁
梅魂將客夢隨月上羅浮

酬女高見訪

乙未

抱病憐蕭索俄聞扣戶聲
來爲通夕語聖公是偏

年情更傲禮多簡官閒詩更清山禽窺客慣豈
爲使君驚

初別家

行役苦風塵何如在舍貧口黃空戀子頭白畏
辭親長路棲皇淚寒宵展轉身出門雖未遠已
是異鄉人

解纜後汝大先生携酒追餞不及作此

離家速解舟豈不愛淹留對酒難爲飲逢人耻
說游若勞江上送益重客邊愁惟有思君夢應

隨水北流

題黯淡寺

初地開巖隙連天紫翠層風敲烟磬碎雷劈雪
山崩頂禮灘頭客經行水際僧雙龍降伏近不
敢半空騰

贈安道人上陽

出家知幾年日夜未曾眠行藥不償債買山寧
用錢坐功餐白雪真訣守丹田豈厭雲房小壺
中別有天

別虛道人

又逐紅塵出花源自此辭誰期無意遇翻作有情離
去住元難定漂零總不知道人頭白盡何地再相隨

靈隱寺

冷泉流塔影黃葉寺門開古佛從西至高峰向北來
臺空明鏡照藏轉法輪迴日暮殘僧返疎鐘暝色催

寄懷伯孺

予方擔簦出君值米薪憂惜別無言贈相思有
淚流寧於在家病莫同異鄉愁寄語同懷子天
涯休浪遊

寄家兄弟

口腹驅人出翻令骨肉疎寄來書乏雁歌罷缺
無魚見月思同被瞻雲念倚閭好培三徑竹吾
自愛吾廬

寄內

別汝病堪憐臨行給藥錢腸迴車轍外淚落枕

函邊失路貧身贅。但家惡夢纏。薄遊無定計。未敢說歸年。

贈張子翼少府

五斗腰難折。投簪乞故鄉。官如王短簿。技似顧長康。見客頻窺竹。爲農獨藝桑。太湖烟水濶。垂釣卧斜陽。

平望夜汎懷黃仲華姚叔父強善長

烟水茫茫白。飄然指太湖。客身初離越。鄉語又聞吳。月轉汀花亂。霜深岸柳枯。欲隨麋鹿去。臺

上吊姑蘇

哭吳之衛

一別經三載故人勞夢思誰知投刺日却值蓋
棺時棄世君非早登堂我恨遲南州陳絮酒空
作寢門悲

元日同許然明陳季相集徐茂吳宅

丙申

一年都愛客元旦卽邀賓火噴梨花夜尊開栢
葉春松聲簾外小石色檻前新孺子吾宗衮深
慚入社人

發茗溪別女高在枕

游子顧刀頭行蹤不暫留
說歸魂已折未別淚
先流輒作數日惡更兼千里愁
船頭一聲鼓目斷白蘋洲

別謝左史

遠別閩中路棲棲吳楚間
一身徒作客孤劍又
空還驅馬當殘臘聞雞出舊關
明年花信後同看故鄉山

震澤普照寺咏古檣

老幹結層層山門壓欲崩年齊何代佛臘閱幾
朝僧種子多成樹蟠柯累斷藤霜凋寒葉盡遙
見夜堂燈

春夜同錢叔達小齋雨坐

丙申

古樹梟啼夜寒籬犬吠烟微風修竹經疎雨落
花天短塵燈前話殘鐘定後禪非君塵想絕誰
伴白雲眠

春日雨中屠田叔轉運招飲隣霄臺同錢

叔達山人陳幼孺孝廉王粹夫文學惟

和家兄分得觴字

愛山還愛客飛蓋復飛觴交以烟霞客談將禮
數忘雁標雲際塔鶯送雨中簫四座高陽侶爭
看倒載狂

雨中屠田叔枉集草堂同陳彥宗陳惟泰
分得山字

一官盟白社幾度到青山試問軒車客誰如夫
子開石稜苔色古井甃甃痕斑斑送酒鶯聲好
歌且莫還

送人謫巴蜀

謫居雖憚遠萬里亦君恩
危棧通秦隴高峰夾蜀門
秋霜巴水雁夜雨劍州猿
自古難行路茲行更斷魂

送人之燕

燕國八千里送君離恨增
短衣粘雪片孤棹觸冰稜
夜鎖沙河柵寒光土屋燈
故園稀釣侶秋水浦掛魚罾

得朗公書却寄

故人千里至，傳得一僧書。
有約期方外，無言問起居。
緘開雲氣裏，夢斷月明初。
却憶禪關靜，殘燈響木魚。

送林稗虛之官梧州

一官新被命千里，粵西遊果綠生人。
西山青露佛頭爽，風驅毒蟲蠻客貢犀牛。
地有黃茅瘴丹砂，莫憚求。

陳可棟歸松溪

丁酉

古貌癯於鶴，深山老布衣。
一毛爲客慣，五字和。

人稀失計乃思隱有懷應欲歸萬松溪水上一
枕卧苔磯

題魏以肅醉墨居

命墨常呼酒臨池輒舉觴督郵傾白墮太守酒
玄香礪礪詩中畫醅醺醉裏鄉幾時開醪蟻看
寫輜川庄

送張公魯歸呂東

春明遊漳海秋盡返勾章別曲歌楊柳行裝載
荔香旅魂孤店月鄉淚五更霜歸隱鑑湖上一

竿番夕陽

聞王孔振客死瀘州詩以哭之

五年歌蜀道聞計幾番疑
永訣分離日相逢夢寐時
何人扶旅櫬有母哭靈帷
悽斷遊魂苦春深化子規

送葉體玄還松溪

家鄉七百里歸去路非遙
但以追隨久離魂能不銷
荻花投岸渚松色夢溪橋
明月芝山寺書聲夜寂寥

送李德威先生之樵川尋珠上人

貧病當垂老餘年生計微始知依佛是直覺業
儒非有子難拋去無家莫問歸恐君情轉切恐
淚不沾衣

武侯廟擬作

錦里經祠廟空山草色蕪二篇傳舊表八陣列
遺圖龍卧茅廬改虬蟠栢樹枯忠魂如未滅能
不恨吞吳

宿幼孺招隱樓

雲際樓居隱層梯轉翠微泉聲諸浦合峰影八
窓歸鶴虱盤羅幌鷗雛狎草衣夜深孤枕夢長
繞水烟飛

林壑鬱重重危闌俯萬松亂花穿暗水疎竹漏
晴峰遠火綠溪棹斜陽過嶺鐘招携出羅徑踏
斷白雲蹤

送閔孝昭還廣陵

嚴親堅進道之子暫還鄉禪理雖無住別情能
不傷故山指浮玉歸橐載沉香定省重來月武

夷霜葉黃

寧親未忍別欲別故從容白望雲千里青看雨
數峰客愁臨水店鄉夢隔江鐘菽水休縈念桑
門饌可供

送陳仲統以曹能始書謁南平令

生計拙長遊漂零入劍州黃昏雲際路寒食雨
邊舟明翠登高閣凌虛上古樓臨卽方重客不
用借曹丘

送林兆綸之武夷

亂流廻九曲一曲數峰盤鶴吹天門曉雞聲月
洞寒厓攀千仞翠梯躋百層丹隔斷人間世春
風漢祀壇

題林松坡明府輓詩卷後

人亡名亦滅展卷感當年哀詠門生賦遺容從
子傳桃花東越縣松枯北邙阡留得麟經旨承
家不乏賢

夏日同閔壽卿柳陳甫吳元翰惟和兄避

暑仁王寺

祇園同結夏。枕藉白雲深。
榜檣當門樹。旂幟植別院。
林巖鐘微雨。翳山閣暝烟。
沉世味坐來澹。新蟬時一吟。

同吳元翰惟和兄慶上人過神光菴

破寺不堪遊。新庵尚可投。
攀松還倚竹。尋壑更經丘。
地僻門休掩。巖傾字半留。
晚風花落盡。吹上老僧頭。

題吳元翰畫像

已覺身爲幻。何須更寫真。
幻中空有幻。身外又

生身法筵經行遠山瓢乞食貧
縱非僧面目亦是出塵人

同惟和兄林子真過西禪寺次壁間舊題韻

松門雲際寺花木轉幽深處處欲投足
房房生住心苔紋青繡壁荔火赤燒林
一徑斜陽外歸僧逐暮禽

鰲轉華菴

紅塵隨處有獨不到祇園柿
柳花種編籬砌

竹根小麗眠剝影馴雀飲池痕何以銷長日清
涼世外言

過傳木虛先生墓

大雅人何在壘壘土一丘有詩傳宇宙無子祭
春秋樵採村童入經過故老愁泉臺隣少谷精
爽可同遊

秋日張德南比部招同錢叔達朱善侯顏
服周孫子長袁無競集凝青亭分賦

高會歡茲夕良宵喜聚星葡萄爭舉白薜荔亂

凝青夜月懸金鏡
秋山列畫屏
何當頻問字
日日過玄亭

林園無俗韻
燕賞有餘情
徑礙雲光密
池涵露氣清
簾當花外軸
杯向竹邊行
感激香山老
邀賓及後生

送錢叔達還吳興

三載滯閩關
西風憶故山
短衣揮淚別
長劍護身還
梨嶺鴻聲斷
楓林馬色閒
期君重會日
若雪水雲間

薄游不得意落魄返家林貴友難投刺貧交莫
贈金窮秋眠月店殘夜聽霜砧寂寞芝山社詩
成誰共吟

山居卽事

荒齋寡所慮藤蔓網蠨蛸戲墨煩酬客題書漸
絕交編籬堅護棘結宇密誅茅放浪形骸外雲
松擬欲巢

再送孝昭還廣陵

人歸秋色裏正值雁來先客路雲雙屐行裝月

半肩馳驅梨嶺騎哀咽柳塘彈他日相逢處瓊
花古觀前

題博古齋贈蔣子才

古心還古貌博古有高名長日摩挲樂千秋賞
鑒精匣中豐劍泣爨下嶧桐鳴玩物成清癖悠
然過此生

王獻子游閩流落半載當事者無綈袍之
贈不能還家暫至袁州依張使君

旅食天涯久故人誰可依一身還有累九月尚

無衣瓜步應難返，萍川且暫歸。
因君流落意，轉覺世情非。

送俞本之還吳

爲儒生計薄，迢迢獨遊閩。
詎意專城貴，渾忘失路貧。
單車尋店客，孤劍度關人。
念子漂零意，悲歌難重陳。

流落天涯遠，樓樓返故園。
敝裘寒客路，短刺阻侯門。
疊嶂遙驅馬，殘更獨聽猿。
贈君絲一縷，歸去繡平原。

歲暮寓居古田吉祥寺

旅寄歲將闌空門且暫安僧厨朝爨冷禪榻夜
眠寒石塔穿雲古山鐘扣月殘非因愛岑寂寥
落問歸難

過溪山書院遺址

城東遺蹟古傳是紫陽祠亭廢狐狸嘯堂空鳥
雀悲西風山寂寂斜日草離離惟有寒溪水潺
湲似舊時

過黃印坤博士墓

當年孤識面此日拜荒墳
姓著黃江夏官同鄭廣文
亂松號夜雨宿草翳春雲
惆悵懷前哲啼鵲不可聞

贈李惟順二尹

佐邑當巖岫溪山百里春
青牛關外度錦雉野中馴
系茄千林影萊蕪一甌鹿
俸錢供客盡西第更留賓

閔壽卿余渾然同隱武夷一號爲九曲漁父

一號爲三十六峰樵者

戊戌

九曲漁父

川路桃花密披裘世不聞
澤邊同鶴寺濠上與鷗分
細面羅將月竿頭釣破雲
擊鮮焚不盡乾蘆武夷君

三十六峰樵者

樵蘇生計薄絕巘負薪登
手刷雲千片肩挑翠幾層
惜巢留古樹束擔取新藤
試問腰間斧柯今爛未曾

同女翔玉生過振狂吸江亭時振狂自吳

歸

江上幽偏地同心小坐宜
蘚痕粘徑密花影壓
亭欹日落魚登市雲深犬護籬
數甌陽羨名高
誦入吳詩

粹夫歸自淮南與惟秦無競小集山齋

爽氣西來早秋聲落碧梧
漂零遊子返悲喜故人俱
茶熟烟辭鼎香銷火宿爐
勿聞爲客樂壯志滿江湖

懷陳幼孺久客邵武

憶余當往歲昭武獨經游憐爾逢今日燕川復
滯留爾茲因御李余昔爲依劉惟有丹臺月連
年照客愁

得林子真書子真客冬乏清流余有古田
之役未得一別賦此寄懷

余方驅馬出君乃向清溪別意未能說愁魂空
自迷夢隨千里路恨寄八行題一搗傷離淚都
從去後啼

和伯孺爲惟和催妝韻

微步歸香閣，窺奩拂鏡臺。
新調紅粉至，初着綠衣來。
酒灑杯方合，粧成賦自催。
小星三五夕，偏照燭花開。

秋暮訪玉生郊居

東郊真逸士，生計寄於農。
斜日隣園柏，西風隔水榕。
糟糠妻共隱，筆硯子能供。
門對康山近，簷頭露半峰。

冬夜無競過小齋夜談

香醅茶正熟，寒夜過良朋。
貧賤交如水，荒涼室

似冰語深忘問漏膏盡屢挑燈覓句緣松徑北
風吹月稜

高賢祠落成屠田叔以詩見貽答贈一首
春秋崇廟祀像設儼祠墮得句當年苦棲魂此
地安階唯文士拜碑藉使君刊不用蘋蘩薦吾
鄉產荔丹

困溪十里橋與屠田叔泣別

數月愁相別今朝別是真從來知己淚此際倍
沾巾味亦如中酒腸應似茹辛却嫌山路轉頓

刻蔽車塵

冬夜惟秦偶至擁爐對酌共用燈字

冷夜空齋獨名言愛汝能添衣山榻坐把酒地
爐蒸窓破風吟紙檠寒焰死燈詩成狂欲寫呵
碑硯池冰

贈本淨上人

離鄉從少小垂老十方游遇伴頭更剃逢山足
便投手血空隨處乞衲破萬家求試問南朝事松
枝幾寺秋

春夜同道晦惟和過志尹書齋

巳亥

幽棲只敝廬不異子雲居榻下同心客錢收可
意書寒聲更漏促孤影夜燈虛事事堪清賞相
過不肯疎

春日同汝大郊行因憩雙溪菴

信步沿城東探幽入梵宮草香聞不盡松影踏
無窮溪路雙流合橋門七道通靜看黃蝶過隨
意領春風

贈陳仕卿

青山諸野性黑髮謝窮經避世成真逸逢人笑
獨醒松雲林際卧蕉雨枕邊聽莫說卿慚長君
家總德星

叩竹杖

龍孫產七盤九節截琅玕只合隨芒屨偏宜對
蓀冠曳回林月碎策破巔雲去殘遙想携來日無
愁蜀道難

靈壁石

秀色瑩如玉生當泗水東一拳高截業雙軸巧

玲瓏身每拜其下神常遊此中相看能不愛莫
笑米南宮

枯木槲

枝葉歸何處根株踞草堂盤拏勝在石安穩匹
匡牀縱醉憑依適尋詩偃卧僵北窓涼飈早一
夢見羲皇

瘦木歌

臃腫非無用偏於隱者宜登山雲自野洗澗月
相隨水樂顏居飲風嫌許樹吹有時僧借去堪

當小軍持

夜吟

只因不朽念拚箇半生窮思每俗題室對緣佳
事工但尋知己賞恒避古人同往往往勞神過狂
吟夢寐中

寄王仲衍

全家成大隱數載學逃虛金石歌鐸爾輩歎樂
晏如葛巾乘酒漉蔬圃帶經鋤始信龐公跡多
於城市疎

題普通禪房

前朝匡寺古苔經數峰盤樂土幽能淨禪心
更安霜催楓葉老月洗竹陰寒爲禮雲堂磬隨
僧下石壇

普通寺讀惟和兄舊題愴然有作

桐花開落後此地昔曾吟墨跡宛如昨詩魂安
可尋碧紗無日障蒼蘚有時侵因在空門裏暫
忘生滅心

天寧寺訪劉公晦時將之玉華

依人元失計况復更無依作客窮途習憐才舉
世稀秋霜吟獨枕夜雨掩寒扉歌罷劉生去孤
帆天際飛

寓普通寺游宗謙來訪喜贈

僻居蕭寺遠念我宵榻過數載青山別千莖白
髮多醉能消日月老不厭風波烈士心猶壯常
爲伏櫪歌

過梅山寺

寺廢鐘聲絕苔龕蝕雨痕烟沉香積供金散給

孤園野鳥猶歸院
隣僧爲鎖門
梅花何處所
空對月黃昏

移居天寧寺禪房

羈棲移近寺
風雪值殘冬
到處俱留偈
逢山且寄蹤
客多頻借榻
僧懶不鳴鐘
蒲目誰堪語
開門面九峰

過雲際寺

古寺名雲際
居然際白雲
經行僧影獨
求食鳥聲聞
池淨萍花合
壇空木葉聞
因尋舊題刻
別

盡瑤笈古紋

謁豫章羅公祠

先正遺言在荒祠鎖暮雲山川鍾往哲歆畝不忘君一脈傳從洛千秋謚得文子孫凋落久誰與拜孤墳

沙陽旅懷

別家雖不遠別久却生愁僻縣衙開暗山城市早休客囊看屢罄名刺懶頻投日日臨溪望魂銷下水舟

依人元失計，逆旅傍雙林。
冷枕虛歸夢，殘燈伴苦吟。
有凡僧作主，無好客相尋。
最易雲栖處，中宵斷雁音。

聞陳子卿計哭之

庚子

去歲霜殘後，題書遠寄吾。
風塵際異郡，生死渺分途。
地下吟魂散，閨中雅道孤。
十年知己意，空有淚如珠。

方子難長世，誰人得永年。
堪哀無一命，不死有遺編。
折桂名何用，看花念竟捐。
新祠崇祀典，應

合配高賢

懷友詩

余少喜吟咏先後結社談詩約十數子文酒
過從匪間也十年之間窮達殊途存亡異路
春雨齋居孑然無侶生離繫念死別櫻懷各
賦一詩以志交誼

陳汝大文學

華髮歸長夜詞壇失主盟竹邊空屐跡桐下絕
吟聲已遂今生志難忘死後情北山松枯冷鬱

舊見任城

陳汝翔秀才

餽口向他方三年旅惠陽客身輕類葉親髮白
過霜老缺謀生策貧營內顧糧入行時遠寄字
字說思鄉

鄧汝高學憲

衡文持憲節萬里同溟渤印綬驚蠻吏衣冠化
緇夷黑蛇穿棘道金馬祭神祠山色蒼如黛朝
朝入絳帷

陳振狂山人

客帆趨異郡故里歎離居
鳥占蘆花靜雲生草閣虛
野衣携薜荔山寺到枰欄
何處諸侯貴容君曳短裾

陳惟秦山人

身入海南天風塵路幾千
長嗟魚鮒苦難覓雁書傳
獠語聽能會夷歌鬪可憐
試將雞骨卜歸計定何年

惟和兄孝廉

半途俄死別骨肉痛連枝多少家中事難冷地
下知竹房狐試茗花徑罷敲詩不及黃泉路相
隨未有期

鄭翰卿山人

離鄉逾十載漂泊竟何如南北誰家主秦吳到
處居相違千里路不寄八行書近訊金陵客聞
君出有車

謝在杭司理

謫居雖未達不改舊官名疆域臨東岱風沙近

北平郡樓環潔水公案對聊城齊俗元誇許許逢
君獄訟清

曹能始廷尉

作吏年方少南遷亦主恩
四角居棘寺問法人
桑門機結人爭集堂開雀自
譔官閒慵束帶騎
馬杏花村

如瀚上人

浪跡去無踪空房偃舊松
禪心江上水旅夢月
邊鐘住選何年寺行經
若箇峰黃梅君故土存

細辨南宗

王元直太學

少年爲客僧歲歲在金陵東觀標聲譽南朝感
廢興清談時對客高照夜尋僧秋色槐黃甚敗
書望爾登

王少文秀才

黃泉長不醒已歷人春秋未立名千古徒存土
一丘松楸無子哭遺草有人收忽檢當年札淒
然起百憂

延平溪上送舍弟先歸

旅遊俄別汝又似別家時
念切倚門久行毋歸
棹遲夕陽投岸早春漲下
灘危獨恨羈樓客空
留劍水湄

寓建陽福山寺

磴路層層入招提夾兩山
栢侵陰殿綠苔繡古
墻斑細雨蟲聲碎微風蝶
影閒五更鐘韻杳鄉
夢屢催還

謁考亭祠

斯文開百代祠宇壯千秋道脉傳濂洛儒風繼
魯鄒白雲迷玉枕青草翳滄洲惟有方塘水潺
潺日夜流

御書官標闕里吾道果南方過客摹碑字雲孫薦
甲香一菴居欲晦六籍闡逾光雖切高山仰徒
瞻數仞牆

贈丘則行

玄言同郭象作尉似梅仙遇阪迴車早談詩入
杜先枕眠千竹月門鎖萬松烟醉泛雙溪水狂

歌獨扣舷

贈陳仲穎

山林諸野性半世老烟霞隱去身全責吟多髮
易華葡萄青絡蔓羅薛白垂花門外紅塵絕蕭
然處士家

同魏君屏丘思舉遊混元菴

相携尋避暑渡水陟高峰步步轉林壑行行穿
竹松危危盤鐵幹石像剝金容齋罷循歸路群
鴉下夕春

同君屏游雲谷菴

層層疊石磴松護曲欄迴山翠晴飛雨溪聲書
響雷碑眠林際草書雜壁間苔不厭行吟久浮
生能幾來

謁宋劉文簡公祠

批鱗開僞學特廟祀真儒道德名齊蔡淵源業
受朱堂荒窺鳥跡碑斷損龜趺萬古忠魂在寒
雲影自孤

同陳季迪方伯邕集丹青閣

他鄉逢勝侶，携酒眺高臺。
鳳閣溪光去，雲移塔影來。
丹青危障列，蒼翠古林開。
日暮扶殘醉，相將渡水回。

武當山孔道人見訪兼貽丹藥喜贈

蕭然雲水客，來自武當山。
道契虛無外，神遊混沌間。
九還燒黑汞，一竅覓玄關。
他日相逢處，仙都第幾班。

雨中同汝翔伯孺從先能始子真過振狂
江亭看菊分得先庚二韻

菊叢秋雨過清賞小園邊異種分滿好幽姿泥
倍妍高枝懸似碗中品綴如錢采采東籬下陶
家地自偏

花開招客宴冒雨水邊行冷蘂齊肩起芳英照
眼明鵝黃知舊譜鶴白重新名只恐凋零易因
君遠出城

喜曹能始到家

廷尉官曹冷三年寄秣陵過家才問寢開社急
邀朋巷選窮中住山尋僻處登維桑壇帖在雅

道賴君興

送王粹夫之新安

于役新安道正當霜葉紅腸迴南去馬書寄北
來鴻短劍泣殘月敝裘欺朔風悠悠嗟世路爲
甬慮途窮

饑來耳遠出遊薄苦囊空當戶鮮諸弟高堂老
阿翁江光青不極岳勢白無窮千里孤身客棲
棲歲欲終

同從先汝翔伯孺能始藤山看梅宿林氏

別業

路出無諸郭梅林一徑斜
杯盤期社客樸被借
農家坐選將枯樹行尋半吐花
最宜殘月夜寒
影轉交加

岫山看梅

寒芳看未足又過一重山
花勝前村密林隨曲
路環蝶尋香雪入鳥訝白雲還
數樹尤堪愛斜
臨水一灣

登高蓋山徐女峰

此地仙壇古尋梅到幾峰藥爐猶漢製松島似
秦封石徑歇歸牧山田耕老農白雲迷下界不
辨往來蹤

從曹能始覓小狸奴

聞畜狸奴好生兒捷有餘乞將方外種護我案
頭書花毯從閒戲芸窓許共居鼪鼯皆可捕不
患食無魚

同沈從先龔克純曹能始自白龍江泛舟

至鼓山舟中作

辛丑

鬼燈燃竹杪漁唱出橋西潮打月痕碎霧沉山
影低沿流振葉短傍岸柳陰齊欹枕同無寐近
村鳴曉雞

白雲洞同沈從先曹能始作

披蓐行十里境界到鴻濛屋簷厓陰下洞攢雲
影中石門低礙背磴道矗當胸莫憚經巖險元
無別路通

題陳公洛陸艇齋

構得齋盈丈因將艇子名浮沉元不管風浪豈

須驚閉戶裝雲影推窗載月明敲門佳客至聊
當扣舷聲

蓋屋何須瓦居然覆短篷載書成米芾着片儼
張融夏落荷花碧秋生蓼葉紅六溪涼氣入疑
是若耶風

寄張幼于先生

名園曾下榻修爾十年餘一片殷懃意全憑往
復書詩狂應倍昔酒興得如初展轉思君切飛
魂到闔閭

交遊新注籍而我忝留名氣誼高前古風流托
後生未虛蘭杜信不負薜蘿盟一自經平子深
含賞譽情

夏日同諸子集高景倩宅遲從先玉生不
至

窓牖開臨北薰風到自南飲耽三雅爵盍少二
朋簪供設無花果香焚老石楠誰知河朔會不
減竹林譚

游雲谷山

晨音看遊記茲辰到此山朝從隔春上暮遂還
聲還雲影隨臥踐蘿陰拂面攀萬峰深絕處不
似在人間

側耳循南澗潌澗七里長玉飛三五尺練瀉百
千行入耳聲逾急急霑衣氣自涼廬峰留御筆苔
蘚蝕蒼蒼

暗谷盤岡巖前賢結小菴峰形來自北水勢方去
從南井古泉源竭池空雨氣涵所嗟招隱地今
奉老瞿曇

陟歷山之頂懷仙有故臺日窮日里外三十六
峰來水木村村合桑麻處處迴簷高將望遠更
擬上崔嵬

絕巔摩天起臨風欲振衣日邊開嶠盡雲云際楚
山微人跨斜陽立鳥從平地飛晦翁游覽後此
處客來稀

古木樛枝亞懸崖曲澗西茶坡成杞棘藥圃半
蒿藜溢水鄉人禱遺基隱士棲石田蕪沒久誰
種雨三畦

季秋三日同陳惟秦吳元翰周喬卿魏若
屏丘文舉曹能始登霜潭閣分得隨樓

二字

虛閣孤城北林邊石磴危半簾青嶂入雙屐白
雲隨松翠松厓滴蘿陰拂地垂山僧隔疎雨不
赴暝鐘時

憑高流遠盼徙倚夕陽樓帆影雙溪莫砧聲萬
井秋虹梁橫極浦魚網晒平洲信美非吾土棲
棲傷滯留

夜宿麻沙公館懷汝載

兼程行役苦馬足半秋雲水赴溪橋合村隨里
巷分郵亭燎火見野寺磬聲聞松際中宵月流
光倍憶君

何生叔潛就試不利却返濰陽賦此爲送
且致期望之意

棄置意不愜別離魂更消風垂羊角送霜怯馬
蹄遙法眼何曾識君才故自超圖南須整翩天
際待扶搖

才大世無知休嗟數屢奇懷珠投暗道抱璞泣
明時喜得還家早休嫌問寢遲相逢須改歲下
榻以爲期

哭何樵仲

近識沉疴劇裁書兩問君路惟三日隔人遂九
原分夢裏形猶在愁中計忍聞獨留腰下劍他
日挂孤墳

意氣高千古交情憶十年殘書兒解讀遺墨世
爭傳月冷詩人宅雲深處士阡可憐謝伯子痛

哭向蒼天

信州道中

楚峰行欲盡又見越山多
村有茅遮屋林無葉綴柯
僕夫衝雨雪客子慎風波
歲暮猶行役空爲勞者歌

冬夜同李之文柴彥實徐子儀宴集楊叔

向叅伯樗園

名園依北郭雅集坐深更
竹密千霄影禽傳警言
露聲假山當經曲空水入樓明
永夕饒懽賞都

忘逆旅情

遠想勝濠濮間遊
比碎疆柳枯霜後色
梅破雪
前香命酒寧辭醉
論詩不厭狂
誰知城市裏
別有水雲鄉

和休遠上人蕭齋

一齋高卧穩蕭蕭
寂離塵寰鍊限人
過密金容佛
坐閒吟歸乘月扣遊
遠猜雲關不異清
公隱深
居在杼山

和空波上人薨鉢

奉山集
卷之二
生涯惟一鉢清淨絕纖埃萬壑殘雲去千溪飲
月回托從空白粲傳或自黃梅滄海茫茫遠何
須更渡杯

和西來上人空林

萬緣空已盡高坐此中宜求食禽從久聽經虎
任窺夜深驚落葉秋老見枯枝寧讓東林社經
行惠遠師

歲暮居白衣寺懷屠田叔張孺愿黃仲高
張公魯吳石父張成叔林樞客

歲盡猶爲客，禪林靜掩扉。
雖逢新歲，祇覩故人舊。
交稀朔氣，宵侵被風威。
書捲衣無緣，逢勝侶且
向故園歸。

歲除前一夕蔡子行李子敏携酒過訪白
衣寺分得林字

獨坐羈樓客，誰憐寂寞心。
辛盤先共載，丙夜遽相尋。
斷磬聲穿戶，寒燈影過林。
漸能消旅况，應不廢狂吟。

四明山九咏追和皮日休陸龜蒙

石窓

天設巖扉巧疎櫺面面分虛能容夜月深欲鎖
秋雲綺借丹崖色紗窗碧蘚紋高人間占却獨
坐玩義墳

過雲

雲影日重重衝雲過幾峰近迷春雨屐遠隔夕
陽鐘半染空林入多隨古洞封樵夫尋舊路難
覓往來蹤

雲南

雲南峰更秀群岫列東西林靜春禽閑鳥啼深午
聽雞稍同花蔓市不異武陵溪何必漁郎入行
人到自迷

雲北

雲北川原勝幽居歲月長屋前南斗近堂背朔
風涼水落晴溪白烟埋古井蒼西窓殘夢覺搔
首看斜陽

鹿亭

欄戶無人過空亭鹿自眠啾啾豐草下濯濯淮曲

林邊呼侶齊歸洞將麝甘不飲泉真仙能駕馭耕
破紫芝田

樊榭

夫人羽化久遺榭倚峰巔丹氣尚留鼎珮聲猶
在天桑田經幾變雞犬去千年惟有山中叟時
能說古仙

潺湲洞

深洞寒泉溜潺湲數里長琮琤成碎玉漂灑吐
清商激響驚仙夢飛流點客裳風吹花片落泛

出一泓香

青櫺子

青櫺能結子，堅實綴林坳。日照浴山熟，風吹滿屋敲。仙猿偷入洞，羽鶴啄歸巢。除却東方朔，誰能摘樹梢。

鞠侯

靈岳生申後，侯封直至今。爵縻東海上，心在北山岑。食祿饒珍果，分茅富石林。滿頭蒙落葉，何異戀朝簪。

山陰道上至諸暨縣作

壬寅

匹馬蕭蕭去山陰道上行奔流春雪變
遠岸夕陽明天際晴峰影雲邊曉磬聲
使人難應接遙見暨陽城

寓烏傷延福寺

乍入烏傷境還尋鹿苑居巖松風靜後
墻竹雪消初香積供炊飯禪燈借課書
滿園饒菜甲閒看老僧鋤

題王永啟塔影圖

卜居隣古寺孤塔影園中多寶輝
二界千花發半空近移虛牖北斜入小池
東驚龍睡義教皇夢夢延聞鐸戰風

馬季聲以秋海棠數本見貽答謝

山中秋未至乞蒔早移根小供宜雕几
分栽稱瓦盆綠陰遮更茁青雨濯彌繁
直待西風起清幽占一園

趙仁甫司理招集賓客高堂卽席有贈次韻
奉答

花外踏新苔松間酌舊醅池光金鏡拭山色翠
屏開張薦窺宜竹何郎詠有梅幽居同栗里曾
說賦歸來

崔徵仲遊鯉湖歸見訪送歸寧德

交筇探九漈躡屐上壺公山水惟君得烟霞幾
客同一身霑藥氣滿袖挾松風歸莫誇名勝門
前有霍童

趙仁甫開社賓高堂分得四豪

客初來雨集君首主風騷蜀阪迴車早嵩臺結

屋牢蓮枯青裂蓋松古翠生濤
瀾蕭蕭行吟苦清霜冷布袍

題吳元化斗齋

一室小如斗居然在屋傍借書吟讀易問字往來忙
竹筍斜穿壁藤蘿引過牆夜深眠未穩聞我發詩狂

雨中社集曹能始吳客軒懷沈從先

曲沼波紋淺芳園徑路紆
桐林蒸霧熟楓葉受霜枯
細酌更聲促微吟燭影孤
淒淒寒雨夕離

夢入東吳

社集馬季聲齋中咏紅梅

姑射仙姿變香魂醉耐寒凝霜殘錦暈貼地棄
脂乾日影薰林赤霞標樹樹丹馬融休弄笛留
待帳前看

看梅宿李子漢卿山樓同伯孺子真賦

歲寒盟不負一歲一尋君曲徑踏香雪小樓眠
白雲雞鳴桑樹出犬吠竹籬聞夜冷吹燈起松
脂手自焚

憩明真菴

杖倚石梁藤梅山處處登雪深孤寺路雲翳半
龕燈花落飛如蝶枝寒瘦似僧禪房聊獨憩衣
上暗香凝

梅林對酒因懷陳汝大鄭君大惟和兄

對酒吟梅塢林邊踰短垣但求花密處不問某
家園冷月侵香夢輕烟污粉痕舊時同賞客能
有幾人存

水西石松寺梅花

入山看不足買棹渡江尋籬落家家雪瓊瑤處
處林香當空界異影入古松深地僻無人到偏
宜處士心

臘月廿四日社集素無競開美堂看迎春
分得六麻

臘殘餘幾日逝水閱年華粉黛光三市笙歌咽
萬家土牛隨紙杖寶馬夾香車預設先春宴椒
盤早頌花

社集賦得聞早鶯

癸卯

曉舌新調管春衣乍試金
凰子飛青靄薄細語緣
楊深何處求其友悠然載
好音未忘幽谷志徒
有上林心

送董叔魯之京秋試

行子赴秋期青山別董帷
踏槐黃滿地夢草綠
盈池潞水雙魚杳蘆花
正馬遲逢時應有術畫
得淺深眉

送人之咸陽

仗劍辭鄉國遙遙征馬嘶
烽烟隴水北雨雪渭

城西驛路逢秋雁關門聽曙雞殘燈孤館夕客
淚幾行啼

初夏同畢孟侯中翰曹能始陳伯孺登烏
石山絕頂風雨忽至

啣杯臨絕巘天宇自高濤斜日忽沉影輕雷相
逐鳴雨昏千嶂色葉響萬林聲共理尋山展拳
躡待晚晴

贈天章上人

閉關功行滿禪理悟南宗竹院雲流榻芝山雨

翳鐘飲泉曾畜馬渡水每降龍不語焚香坐蒲
房偃舊松

夏日高景倩直社鄭湘潭竹園避暑分得
八齊

林園如谷口結夏此招携古荔幾株秀修篁千
個齊池通潮水漫山壓疎樓低況復徵歌舞何
妨醉似泥

王元直築室水西江上有農圃家風喜贈
四詩

却嫌城市鬧習隱傍江居閒適隨眠牘生涯學
捕魚築成三畝宅載去一船書我厭紅塵久期
君共結廬

龐老始逃世巢由初買山地偏知事簡書靜覺
身閒田父時嬉笑溪翁日往還從茲棲遁去塵
鞅了無關

賢信名爲假深知隱是真不辭田舍子乃作太
平民賢婦身勤織家僮力負薪莫言居太僻幸
與敬峰隣

剩得田園樂幽閒并屬君一丘聊自老四體更能勤
祭社陳村酒堤留賓采澗芹山中饒勝事早晚寄相聞

訪惟秦山居

出郭漲初平村遙歇復行空梁雛燕語深樹乳鳩聲
水入松扉濕風吹麥隴晴羨君偕隱好不異鹿門耕

仲夏望日康季鷹社集澄瀾閣得寒字

納涼尋勝地高閣俯澄瀾樹色遙遮寺山光近

繞欄柳梢初脫絮荷葉漸舒盤薄暝還移席臨
流待月看

送余儀古還家

樵川城北寺雪夜喜逢君重會已加密此來何
所聞洪江帆挂月灘水馬嘶雲別後相思切愁
聽斷雁群

送李侍御使秦兪都督之蜀

佩劍寧辭遠乘驄豈憚勞龍韜經蜀棧多繡越
臨洮路鑿魚鳬險峰盤鳥鼠高夔雲將隴樹疑

盼共蕭騷

鼓山下院

灌木千章合危峰插漢邊
閑云孤院靜扣月一
鐘懸門外苔衣路林梢
瀑布泉欲尋巖洞勝不
借上方眠

和曹廷尉贈別

飛蓬郎自轉匪石妾難移
何處寄芳杜出門歌
柳枝跡隣雲聚散愁對月
盈虧若見青山色能
無憶黛眉

卷之六
莫畫眉如黛傷心閉綺窗書傳離雁獨鏡惜舞
鸞雙好夢應難覓愁魂不易降厭看孤燭影流
淚滴秋缸

渡峽江次茂之韻

風捲怒濤深江門與海臨渡人俱喪膽載馬亦
寒心水色東丹峽浪花翻翠岑驛程南望遠斜
日下空林

和能始餽菊美人

秋英特贈別曉露浥枝零艷奪流黃色已香分蘭

麝馨綠衣初製裏金合巧離鉤不敢輕攀折還
君種後庭

石竺山懷阮堅之司理

春初曾陟歷秋杪復登臨勝友還能約名山豈
厭尋路行青嶂熟洞宿紫雲深夜靜聞天籟猶
疑阮嘯林

暮過香城寺

隣僧遙引路顧度百盤蒼高處見溟海空中聞
妙香真雲孤剎冷秋草古壇荒十里披蒼翠入下

山無夕陽

衆香元有國此處獨名城古篆長留蹟寒鐘遠
送聲樹多猿叫嘯路有虎經行一片鋪金地西
風禾黍生

宿楓亭驛

山程窮百里繫馬古郵亭霜後楓林赤雲邊荔
葉青客身應漸遠鄉語稍難聽沙井蠶啼月偏
催旅夢醒

龍歸巖

舍車乘款段迢遞歷巖扉
白晝關僧舍青苔上
佛衣偶聞晴鳥喚不見
雨龍歸食看滄溟色相
携坐翠微

江東驛別能始茂之之海澄

半月歷三郡無山不共遊
宵深猶對榻潮長忽
登舟目斷天邊浪魂消驛畔樓
身雖居海澳夢
只在漳州

兩得能始茂之書聞登天柱

三人分兩邑連日丹移書
天柱爾雙去風波吾

獨居冬三來炎不減夜永無猶餘共約霞城道尋
山在月初

遐陬風土異旅寄奈愁何無事且無客自吟還
自歌好山難共看佳月亦虛過幸舍魚來少空
言海錯多

十月廿一夜聞雷海澄作

窮冬方閉塞忽聽迅雷鳴逐雨轟連漢隨朝響
到城不知天意變徒使客魂驚君子能修省何
愁百里聲

題李氏水亭

郭外名園勝霞城繞戶南
平林晴積翠方沼暗
拖藍澹影微雲入虛光
片月涵雖然身在客此
地寓能堪

出漳城別陳元朋陳貞鉉

乍出龍溪道先過虎渡橋
長途稀雪霰溟海正
風潮日畧南行短鄉園
北望遙隔旬卽相見不
用別魂消

惠安宵行至楓亭驛

燎火出林紅宵征路不窮人烟山影外客夢葉
聲中古砌蟲吟露長途馬嘶風欲投何處宿遙
見驛亭楓

莆陽宵行至荊嶺驛

莆陽城北路出郭夕陽時地曠村烟少更深候
火遲驛亭趨荊嶺野水渡蘭陂已識家園近尤
懷桑梓思

長至夜同非熊元朋貞鉉茂之集能始宅

聽妓竒音彈箏

小伎彈銀甲新懽引玉觴蘭膏燃繼晷良辰管動
催陽翠袖寒愁薄朱絃冷怯張最憐今夕未一
任按歌長

出藤山看梅非熊能始茂之先至兩日

別業藤山曲君來在我先花繁新雨後香散夕
陽邊朋侶隨年換壺觴就樹遷閒居宿一榻兩
日待余眠

藤山至柯嶼訪汝翔惟泰

訪友尋支徑探梅過別山湖堤分上下香氣在

中間恠樹敲門看低枝駐馬攀前村來往客爭
說野遊閒

宿柯嶼陳氏山樓

山郭停羸馬田家吠小厖庄樓依遠嶼村路背
澄江缺月斜窺枕孤雲冷護窓寒宵欣對榻靜
語剔殘缸

東郊看梅過能仁寺同玉生非熊茂之伯
孺能始景倩分得雲字

歲殘無幾及日同踏寺門雲嶽嶺重林繞康山古

路分眠坡牛引犢求食鳥呼群未入梅村裏香
先此地聞

東嶽嶺

出寺遙登嶺西林半夕陽孤村依近浦古道歷
平岡榕樹雙垂蔭梅香亂撲香暫停山下屐對
坐石橋傍

竹嶼梅花

亂踏梅園裏遙過竹嶼坳池歌孤月影墻亞百
年梢落地鋪香粉穿林露玉苞始知東郭勝元

不讓南郊

送曹能始使還留都

我也居林澤當君乞假還無詩不參訂有事定
相關共被眠雲壑聯鑣看海山從茲稀勝侶長
日閉門閒

秣陵眇天末此去驛程遙夢隔雲邊馬魂消月
下橋閒曹歸棘寺遠別負花朝知爾重歸日黃
金帶在腰

送趙子合遊吳

年少將何適吳門去路長馬餼餐細草營巧語
垂楊月冷支硎寺雲深曳練坊客遊休負劍此
地有干將

暮春閒咏

幽居春欲暮宴坐少塵緣筍筍抽苔砌茶槍沸
石泉近山魚鼓響隣舍鶴聲傳晝永爐烟細研
硃點太玄

浴佛日仁王寺會齋

古寺響齋鐘素門素饌供慈雲流寶地法水沐

金容峰影懸孤鷺潭光吐九龍香花清淨域頂
禮學周顒

水陸修齋日西方誕世尊壇前人頂禮天上佛
垂恩法苑無優樹毘藍大地園遙看光五色直
貫太微垣

吳門李庭堅初至阮司理招同夜集縹緲
樓得燈字

良會酒如渾龍門識李膺池光花樹繞樓影水
雲蒸不啻催更漏還呼續夜燈未須愁酷暑座

上有霜稜

送王永啓之邵武訪商令君

樵川稱僻郡城郭枕溪流最好依山寺難行上
水舟古文誰解賞制業或相投賢令臨邛比相
如莫倦遊

秋暮齋居

荒齋來客少獨坐有餘情古樹聞蟬咽虛簷看
雀爭青山添暮色黃葉助涼聲習習風生袂西
來爽氣清

秋園六詠

芙蓉

木末花如繡低枝近亞窓寧并榮晚圃不怨老
秋江自媚香無兩齊開蒂有雙醉中妃子靨相
較亦因降

黃菊

小圃未宜菊青蚨多買來已滋秋露艷况微曉
霜開色向牆陰潔香從籬下迴近傳澆種訣明
歲亦須栽

荳蔻

美色看逾澹佳人靚薄妝葉舒衣讓綠花豔額
輸黃衛足朝承露傾心午向陽每隨蘭桂茁相
伴送秋光

雞冠

不是陳倉地雙開出寶雞儼然三市鬪只欠一
聲啼高若飛桑柘低疑啄稻畦自編籬竹護恍
恍暮深棲

丹桂

老樹乘秋發古香風自吹青枝生自直金粟落
先知偶讀離憂賦閒吟招隱詩懷人正延佇對
此益相思

紅蓼

秋容憑點綴斜出短牆紅詎意閒園裏渾如楚
水東繁枝滋湛露老幹戰西風辛苦誰能識還
憐食葉蟲

同道源非熊伯孺能始茂之元直尋鱗次
臺看米元章字

人家藏洞壑烟樹鬱重重萬瓦如鱗次千山似
蟻封上方當戶塔塔南澗隔隣鐘米老曾留墨摩
厓看舊踪

慈感寺尋清容軒是元隱士衣衲讀書處
趙孟頫常過從王司寇元美爲記

地據祇園勝廊間覓舊軒好山當竹徑流水遶
柴門展跡猶存趙書聲却憶袁豐牌記遺事讀
罷重消魂

吳興逢康元龍塞上歸復有姑蘇之遊賦

此送之

榆林歸馬日若水忽相逢共是他鄉客風塵改
舊容交驩才一地別恨又千重夢斷吳門道寒
山半夜鐘

迢遞天涯路羈危歲欲殘自傷爲客苦
轉覺別君難踪跡分漂泊關山隔渺漫最憐今夜月南北不同看

輓宗魯山先生

落月秋山冷西風夜笛悲一生官職小三尺土

墳卑白日竟長往黃泉無見期數枝霜後菊空
自滿東籬

遊雲谷暮宿長埂山家

歇馬投山店寒窗半榻分夢惟驚夜雨身欲近
秋雲雞唱傳墟落蟲聲咽水濱離山猶十里鐘
磬不相聞